


Alkitab Anggen Anak Alit

Daniel Lan Ipihan
Ane Tawah



Kasurat olih: Edward Hughes

Kaperagayang olih: Jonathan Hay
Alastair Paterson

Ka tempa saking: Mary-Anne S.

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya


Kakaryanin olih: Bible for Children
www.M1914.org

©2023 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.



Sang prabu Nebukadnezar ngipi, lan ipiane ento ngugul pepinehne. Melantaran kuasan Ida Sang Hyang Widi Wasa, dane Daniel prasida nuturang artin ipian sang prabu.




Paindikan ane kapertama
ane kalaksanayang dane
Daniel, inggih punika
ngambarang ipianne ento
tepat pesan. “Sang prabu
nyingakin ada arca ane
gede pesan, gobane
ngangobin pesan!”




“Sirah arcane ento malakar aji emas,” Daniel nerusang satwane.




“Bagian tangkah lan lengen ne malakar aji perak.”



“Basang lan bongkol pan ne malakar aji tembaga.”



“Pan arcane ento malakar aji besi, lan batisne apahan malakar aji besi lan apahan malakar aji tanah legit.”



Sesubane nyeritayang indik arcane ento ring ida sang prabu,
Daniel buin nuturang kalanturan ipiane ento.



“Sang prabu nyingakin ada batu ane katugel nenten ja nganggen tangan,” atur dane Daniel ring sang prabu.



“Batune ento nabrak batis
arcane ane malakar aji besi lan
tanah legit, lan ngenyagang
arcane ento.”



“Lantas arcane ento ulung enyag dadi abu lan ampehang angin.” Dane Daniel lantasi mejanggelan ngeraos. “Sakewala batune ento lantasi ngedenang dadi gunung ane gede, ane ngebeking gumine.”



Sang prabu angob pesan. Nah ento ane dadi ipian sang prabu.
Ngudiang dadi Daniel bisa nawang ipiane ento? Uli krana Ida
Sang Hyang Widi Wasa ane nguningayang teken dane Daniel.
Lantas Daniel nyatuang artin ipiane ento.



“Ira Sang Widi Wasa
ane ada di swargan
sampun micayang ring
palungguh I ratu
kerajaan, kekuasaan,
kekuatan lan
kemulian,”



Atur dane Daniel ring
sang prabu. “Palungguh
I ratu satmaka sirah ane
melakar aji emas ento.”



Dane Daniel nuturang ring sang prabu sujatine kerajaanne lakar uwug. Bagian arcane ane malakar aji perak nyinahang kerajaan ane tusing kuat lakar dadi penggantine. Tembaga ngelah arti mikadi kerajaan ane lenan. Lan besi, keto masi tanah legit mejujuk buat kerajaan ane kaping patpat.



KERAJAAN 1


KERAJAAN 2

KERAJAAN 3

KERAJAAN 4




Unduke ane kapamuput ane aturang Daniel ring sang prabu,
“Ida Sang Hyang Widi Wasa
ane ada di swargan lakar
ngadakang kerajaan
ane sing lakar
nyidang
kauwugan.”



Sang Prabu ngangkenin sujatine wantah Ida Sang Hyang Widi Wasa ane prasida ngicen Daniel kawicaksanan ane ngranayang ia nawang lan nuturang makejang indik ipiane. Sang prabu Nebukadnezar ngicen Daniel kesugian meliah-liah tur ngangkat ia dadi pengede di kerajaane.





Kerajaan
ane
kaping
pisan, kaping
dadua, kaping
telu teka lan
ilang. Keraton
Ida Sang
Hyang
Widi
rawuh sesubane
kerajaan ane
kaping patpat.

Mesias
pacang
rawuh ka
jagate. Lan
indike ento lakar
enggal teka!



Daniel Lan Ipian Ane Tawah

Wenten katuturan carita saking pengandika Ida sang Hyang
widi mewasta Alkitab,

dados sobyahang ring

Daniel 2

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

